

COMUN: Al vëgn lascé alsavëi che le Comun á publiché na comunicaziun por la conzesciun de contribuc a fond pordü por le sostëgn dl comerz y dl artejanat preodü dal fond nazional de sostëgn dles ativités comercials y artejanals. Informaziuns plü avisa é da ciafé sot ala seziun "news" y "tofla de Comun" sön la plata internet dl Comun (news di 19.03.2021 y di 25.03.2021).

PLOANIES SAN MARTIN Y LUNGIARÜ

Por gauja dles restriziuns atuales vëgnel fat de pices mudaziuns tla liturgia dl'Edema Santa:

- En Jöbia Santa tomel demez la lavanda di pisc.
- En Sabeda Santa vëgnel benedi le fûch mo al ne vëgn nia impié les ciandëres di fedei. Al vëgn ince benedi l'ega, mo chësta é l'vignun che mëss se tó do da ciasa te na boza.
- En Pasca é duc invia da porté le cëst dal Signé a benedí, che ne vëgn nia porté sô dant, mo ch'an se salva te proca.

Les Uniuns dles Êres rengraziëia bel dles ofertes de 495 € a S. Martin y de 236 € a Lungiarü, che é gnüdes trates ite dala mëssa dl De Mondial de Oraziun dles Êres ai 5 y 6 de merz y che é gnüdes menades inant por i proieci de aiüt preodüs.

Le Sorvisc ai Jogn Val Badia mët a jí i "Dis de preparaziun al maridé" dala sabeda, 29 de ma, dales 9.00, ala domënia, 30 de ma 2021, dales 16.00. Le curs sará por ladin (ater co le referat todësch dla efom Julia Cappelletto. Le program prevëiga referac y formaziun ti ciamps dla comunicaziun, relaziun, spiritualité, sanité y dërt. I referënc sará Lois Kastlunger (coordinadú), siur Markus Moling (prou), Christian Pedevilla (avocat) y Julia Cappelletto (efom). Le curs é limité a 14 pers y por che osta prenotaziun áis valüta, Ves periunse da telefoné al Sorvisc ai jogn Val Badia (0474-523070) cina la jöbia, ai 13 de ma 21. Le cost é de 180 € por per (curs + 2 iadi marëna).

SAN MARTIN: En Pasca podunse indô trasmëte la Gran Mëssa dales 9.00 ince tl gran salf dl Istitut Ladin, olach'al é lerch por 50 porsones.

LUNGIARÜ: En Vëndres Sanc vëgnel tigní l'Oferta Misereor y en Pasca dala gran mëssa l'offerta por i ministranc. La Gran Mëssa en Pasca é dales 9.00.

Tla Spona a Pidrô é la botëga indo daverta dal lönesc ala jöbia dales 8.00 - 15.00 y le vëndres dales 8.00 - 12.00. Le Vëndres Sanc y le Lönesc de Pasca é stlüt. Al é de vigni sort de produc nüs y scincundes por Pasca.

Döt le bun a chi che complësc i agn d'auri

a San Martin Sepl Frenes che nen complësc 82 ai 22
Sepl Unterweger che nen complësc 92 ai 24
Anna Penazzi Ferdigg che nen complësc 83 ai 28

a Lungiarü Maria Dapoz Clara che nen complësc 80 ai 14
Berta Clara Mischi che nen complësc 88 ai 20
Amalia Rives Mischi che nen complësc 87 ai 23



Plata dles Ploanies San Martin y Lungiarü

siur ploan Klaus Sottas 344 15 54 055 - klsottas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

28.03. - 04.04.21 nr. 18

EDEMA SANTA - B

DOMËNIA DAL ORÍ - B

Vangele do Merch 11,1-10


Tröc destenô sü guanc ia por tru, d'atri tirâ ia brüscas dai ciamps y les sternô ia por tera. La jënt che ti jô danfora y che ti jô do scraia: Osanna! Benedi sides chël che vëgn tl inom dl Signur..... *Gejü vá por le tru dl'umilté, dla bunté, rassegné ala orenté dl Pere. Chël é le dër tru, chël che m'é dé dant a me y por chël ch'i vá cun fedelté y dignité, ince sce n ater me plajess deplü.*



JÖBIA SANTA

Pröma lëtra dl apostul Paul ai Corinc 11,23-26

Gejü, le Signur, à tut, en chë nôt ch'al é gnü imbanì, pan, à dit l'oraziun de rengraziamënt, à rumpì le pan y à dit: Chësc é mi corp che vëgn dè ca por os. Fajede chësc te mi recort!... *Parores de comié plënes de vita, de confort y de indicaziun por i amisc y por döt le monn.*



VËNDRES SANC

vangele do Jan 18,1-19,42

Al portâ süa crusc y é jü iaifora söl post ch'an ti dij Crëpa, por ebraich Gólgota. Dailò l'ài metü söla crusc y cun ël dui d'atri, un por pert, y Gejü it'amez. La scritta söla crusc é Gejü da Názaret, le re di iüdes. *Gejü Crist, te destënes fora tü brac y te te lasces mazé söla crusc. Te i ciales tl müs a chi che t'imbruncia sura. Te restes n re plëgn d'amur ince ciamó söla crusc.*



EDEMA	SAN MARTIN	LUNGIARÜ	SABEDA SANTA
28.03.2021 DOMËNIA DAL ORÍ B Ora da d'isté	9.30 Corona dla Pasciun 10.00 Gran Mëssa cun ingres y pasciun, döt te dljia dl ann + Zita Pescollderungg Irsara vis y def. fam. Paul Planatscher + Sepl Flöss d'Arzó <i>An pó ince tó pert tl salf dl Istitut Ladin (50 posé)</i>	7.55 Les Staziuns 8.15 Gran Mëssa por la Comunité cun ingres y pasciun, döt te dljia en onur de S. Ojöp Freinademetz	Tl Credo professunse: <i>"Al é mort y é gnü sopoli, al é rové tl règn di moré ..."</i> La Sabeda Santa é le dé plü chît dl'ann, al é le dé do la mort de Gejù y le dé de palsa tl sepolcher. L'alté tles dljies é descürì. I jun dan la fossa santa y conscidrun ci che nosc Signur nes á insigné y vit dant te sùia vita y ince te sùia mort. I n'orun nia lascé passé ia chësc dé zënza se tó n momënt dlaurela da s'archité. Ester morc é le punt plü injö, plü sot, plü fosch, plü da avëi pora. Tan injö, cina a chësc punt, é Gejù jü impara cun la jënt. Mo le tru de Chël Bel Dî cun la jënt ne se röia nia tl nia. I pröms cristians sintî y ê sigüsc che Gejù é vi y presënt danter ëi. Pormó dailó ti êl jü sô na löm, pormó dailó s'âl formé te ëi la convinziun ch'al messâ ester ressorì. Por Pasca ne cunta nia tan la fossa öta; la noela de Pasca é val' deplü, al é la noela che Gejù vir. Al nes vá danfora tla Galilea: tla vita concreta da vignidé. Pasca nes scinca ince a nos la bela esperiënza che Gejù vir, ch'al é chilò amesa nos ite.
29.03.21 <i>Eustach, Ludolf</i> Lönesc dl'Edema Santa	14.10 Confesciuns por i scolars dla mesana 18.00 Confesciuns por düc		
30.03.21 <i>Dodo, Roswita</i> Dedolönescdl'Edema Santa	14.10 Confesciun por i scolars dla mesana 18.00 Confesciuns por düc 19.00 Mëssa ++ Milia Vantsch y Franz Lahner + Erna Frenner		
31.03.21 <i>Cornelia, Guido</i> Mercui dl'Edema Santa	Domisdé: Provijiun di amará 18.00 Les Staziuns	7.30 Mëssa ++ de Ghestan de reng. fam. Hanspeter y M.Teresa Clara ++ Augustin y Maria Mischi Daporta dedô: Provijiun di amará 18.00 Confesciuns por düc	
01.04.21 <i>Ugo, Irene</i> JÖBIA SANTA EUCARISTIA	18.00 In coena Domini: Zelebraziun dl'Eucaristia 19.00 Ora d'adoraziun	20.00 In coena Domini: Eucaristia + Zelestina Unterwger por les püres Animes dl purgatore dedô Ora santa dl'Angonia dl Signur	
02.04.21 <i>Francësch da Paula</i> VËNDRES SANC PASCIUN Y MORT <i>Jaiun y astinënza</i>	14.30 Pasciun y Mort de nosc Signur <i>(cun scolares y scolars)</i> Adoraziun dla Crusc, Supliches y Comuniun <i>Oferta Misereor</i>	8.00 Ora d'adoraziun 16.30 Pasciun y Mort de nosc Signur Adoraziun dla Crusc, Supl. y Com. <i>Oferta Misereor</i>	
03.04.21 SABEDA SANTA NÖT DE PASCA <i>Richard, Elisabeta</i>	8.00 Ora d'adoraziun 9.00 Ora d'adoraziun por i scolars 20.00 Festa dla Nöt de Pasca Liturgia dla löm, letöres, Gloria, Vangele, Imporm. dl Bato, Eucaristia	8.00 Ora d'adoraziun 18.00 Festa dla Nöt de Pasca Liturgia dla löm, letöres, Gloria, Vangele, Impormetüdes dl Bato, Eucaristia	
04.04.2021 DOMËNIA DE PASCA	9.00 Mëssa solëna dla Comunité <i>(siur Klaus)</i> cun benedisciun dl signé ch'i tolun cun nos te proca <i>An pó ince tó pert tl salf dl Istitut Ladin (50 posé)</i> 18.00 Öspi da Pasca	9.00 Mëssa solëna por la Comunité cun benedisciun dl signé ch'i tolun cun nos te proca <i>Oferta por i Sorvidus</i>	

